



周柏豪指團員很稱身。

■姚焯菲與鍾柔美很喜歡阿姐的名曲《迷人Pink Lady》。



欽點鍾柔美合唱

多得 Anson Lo 帶挈 阿姐蘿蔔糕大賣

阿姐透露分別與3位後輩Yumi、林奕匡與黃妍合唱，她更特意揀Yumi合唱《少女的祈禱》：「導演想我同年輕人合作，我之前搵過Yumi拍跳舞短片，所以促成今次合作。」Yumi坦言最初不敢撩阿姐傾偈：「我之之前嚟紅館睇佢開騷，佢好犀利，我要好好向佢學習。」Chantel則稱很想跟阿姐合唱，阿姐笑言非常樂意，當她聽到Yumi、Chantel很喜歡自己的《迷人Pink Lady》，即說不介意她們翻唱。

周柏豪「返工流血」？

提到阿姐最近為自家蘿蔔糕品牌拍廣告，吸引很多「神徒」購買，阿姐開心說：「Anson Lo之前嚟我紅館演唱會話我屋企食咗好多蘿蔔糕，讚好好味，仲帶走一底蘿蔔糕返屋企俾媽咪食，可能因為咁令好多神徒訂購，真係益咗我，哈哈！」她又稱：「蘿蔔糕食譜係羅家英媽媽傳落嚟嘅，係家傳之寶。今年我交界拍檔大量生產，所以我今年唔使落

手做太多。」周柏豪透露近年經常四圍飛工作，預計年廿九才收爐，農曆新年會留港度歲，跟親友拜年：「之前疫情關係，減少同親友見面，加上生咗兩個小朋友，好似甩開咗朋友圈，希望今年由社恐變『社牛』，打算帶小朋友拜年。除咗同公司同事食團年飯，都想約見『大灣仔哥哥』陳小春、張智霖、謝天華、梁漢文、林曉峰、吳卓羲，不過大家都忙，好難約！」他指女兒及兒子現時分別5歲及3歲，女兒很明白事理，知道他要工作，會睇電視看他演出，但兒子年紀尚小，不喜歡他工作：「佢見我返工就話『返工流血』，意思係返工呢樣嘢流血，因為佢覺得流血係最強嘅攻擊；我去打籃球，佢就會話『打波流血』。」



■蕭正楠與陳曉華示範BB飲奶。



■古淖文於騷上盡施渾身解數。

古淖文無懼Haters攻擊

《古淖文I'm Home演唱會》香港站首場前晚在麥花臣場館舉行，全場爆滿。期間古淖文獻唱於《中年好声音2》的參賽歌《多得他》、《明知故犯》等，他說：「真係要好謝呢個節目，如果我冇參加，我相信唔單止呢兩場演唱會，由我得到冠軍到依家所得到的嘅嘢，都唔會擁有。」古淖文完騷後接受

傳媒訪問，提到他在台上有感而發談及Haters，他說：「佢咁對我嘅人身攻擊已經冇乜用，由細到大都聽唔少。如果講人個個講完呢番說話會令佢心情好啲，咁佢咪講囉，我真係冇乜所謂。」

陳曉華曾做護士生B有陰影

蕭正楠與陳曉華昨日到馬鞍山出席活動，二人在台上玩遊戲幫BB公仔換衫及沖奶粉，準爸爸蕭正楠手忙腳亂，曾任護士的陳曉華則非常熟手。陳曉華自言照顧BB屬「陪月級」，並指今年有很多女星陸續生B：「我有做陪月嘅發展空間。」蕭正楠笑言現時忙於買BB用品：「老婆（黃翠如）嘅購物清單好長。」陳曉華表示最近和很多朋友的初生BB見面，會派利是作

見面禮。問到可想生B？蕭正楠搶答：「BB會嚟得好突然。」陳曉華則指曾在產房工作，覺得生產過程很辛苦，自己必定要有心理準備才考慮。問蕭正楠是否已請假陪老婆生產？他表示會請假一段日子，全天候照顧翠如，並指翠如將於農曆新年後閉關。提到兩人都是台慶頒獎禮最佳男、女配角大熱，他坦言很想兩公婆一齊攞獎。



人 ■廖子好與姜皓文都是好戲之人。

姜皓文處男預飛片「出土」

姜皓文（黑仔）與廖子好（Fish）主演的電影《曾經擁有》因疫情及種種因素下，等了8年終於面世。日前該片舉行首映禮，黑仔透露是自己首部擔正男主角的電影，故特別有感覺。他笑言飾演「電影癡漢」，現實亦是一名電影癡。提到已故影星孟海於片中客串一角，黑仔表示很懷念對方：「孟海對後輩好好，我啲啲亞視年代合作過一部劇，從此成為朋友。」Fish笑言於片中看到8年前的自己，喜歡當時的自己多一點，因更有活力、活潑和開心。